

Agilent Foundation Senang dengan Program Pengajian Di Luar Negara Anjuran UniMAP.

22 Febuari 2008: Program melanjutkan pengajian ke luar negara yang diusahakan oleh UniMAP telah mendapat kelulusan pembiayaan sebanyak USD 5500 (RM 17000) dari Agilent Foundation buat kali kedua. Pengurus Perhubungan Industri dan Pekerja Agilent Technologies, Penang, En Yazid Misnan menyatakan UniMAP akan menerima surat persetujuan dari ibu pejabat Agilent Foundation yang terletak di Santa Clara, California setelah UniMAP menandatangani surat itu dan memastikan program tersebut mengikut aspek- aspek yang ditetapkan oleh kerajaan USA.

Program biasiswa ini telah membawa beberapa orang pelajar UniMAP menjalani pengajian mereka di luar negara selama beberapa bulan. Program ini sedikit sebanyak membantu pelajar membuka minda serta memahami budaya antarabangsa.

Selain itu, Agilent Foundation juga meluluskan geran program 'UniMAP CaSTLE' sebanyak US\$9250 tahun ini. Program 'UniMAP CaSTLE' dilaksanakan oleh Pusat Pengajian Kejuruteraan Mikroelektronik.